

sier Marco Orio ducati 100 milia, sier Vienzo Pasqualigo ducati 30 milia, uno altro, che non li sepe dir l' à nome, ducati 50 milia, e 'l resto tuti ducati 60 milia. E lui orator senti tal cossa tanto acerba, quanto quando el fu posto lui dove al presente sono questi meschini, et si seusa aver fato il tutto per la liberation loro. Et ditto bassà li disse, il Signor manderà presto uno honorato ambador a la Signoria etc. *Item*, esso orator riceveti nostre lettere di danni fati etc., et il Signor à spazà più comandamenti a li sanzachi, e manda la copia, la qual sarà notada qui avanti, et à spazà 14 vlachi. *Item*, fo parlato molte parole di la restitution di Alexio, *tandem* rimaseno che *pro nunc* la Signoria non lo fabbrichasse. *Item*, lui orator à fato vice baylo sier Lunardo Bembo qu. sier Piero, el qual si voleva partir, pur a soa compiasentia è restato, e l' à presenta' a li bassà quali l' hanno ricevuto aliegramente; non li ha tansato salario alcuno etc. *Item*, ricomanda Athanasio portador di le presente, qual in questi tractamenti molto si à operato.

*Di Zacharia di Freschi secretario, date a l' isola di Cataro, a dì 15 octubrio.* Come a dì 6 zonse. Scrisse a Scutari al magnifico Ferisbei, qual li disse saria de li a dì 12 etc.

*Dil ditto, di 18, ivi.* Come eri zonse 300 over 400 cavali de li con Ferisbei mia 3 lontan, e posto l' hordine, si trovano insieme su le saline fo dil Zernovich, e parlato insieme *bona verba*, era stà amico di la Signoria, presentatoli lo presente, li piauque, *maxime* li cani alani. Poi introno su le Saline, Lhomo teniva a Cataro et Zupa, e qui sora Zupa fo assa' parole. Che l' era dil Turco, la causa è stà alcuni rebelli, che *licet* avesseno auto salvo conduto dal proveditor di Cataro, mai volseno esser soto la Signoria; et fo ditto Zupa era stà di Zernovich, *tamen* fo visto zà anni 40 non era stà. E il secretario li mostrò li capitoli di la pace vecchia, che Zupa fusse di la Signoria, e uno mandato dil Signor. Il sanzacho disse aver uno mandato dil Signor nuovo, che voleva tutto quello el posedeva avanti la guerra fusse suo; e che Zupa tre anni avanti la guerra possedeva, *ergo* etc. Li rispose il caso di la Zefalonia etc., e che Santa Maura è stà restituita per capitolo etc., et che a tempo di guerra Zupa era venuta soto la Signoria, però era nostra e di la jurisdiction di Cataro; et cussi si partino per quel zornò. E vene con lui uno vayvoda dil sanzacho, nominato Canson, francho o trentino, qual à una sorela a Otranto, e parlono di adatar la cossa. *Item*, zonse li a l' isola sier Sebastian Contarini proveditor di Cataro, qual

havia consignato il rezimento a sier Hironimo Foscarini suo successor; e veniva a Veniexia con la galia veronese. Et parlato insieme di Zupa *etiam* col sanzacho per esser suo amico. Et par che, nel ritorio, a certo ponte, quelli turchi trovono uno carazaro dil Signor, e volendolo prender, Piero Cavalin contestabile con alcuni altri si butò di mezzo et liberolo. Or il proveditor lo fè meter in deposito in la galia veronese, e scrisse al proveditor Foscarini quello li pareva di far; et che saria meglio mandarlo al sanzacho.

*Dil ditto, di 19.* Come ave risposta dal proveditor che se lo mandasse a ditto sanzacho; qual volendolo mandar, si butò nel copano e fo da tre stratioti ajutato e scampò. Di la qual cossa ebbono gran dolor, e el sanzacho si sdegnò. Protestò il predietto Canson a lui secretario, si questo homo non si havia in le man non si faria cossa alcuna. Or *iterum* fonò insieme col sanzacho, e zercha Zupa disse era scritta al carazo dil Signor, e quanto a le Saline e Lhomo, la Signoria desse ducati 1000 a l' anno al Signor turco. E che havia scritto al Signor dicendo Zupa era tereni tristi, acciò havesse libertà di conzarla *etiam* con danari; *ait* Zupa dava ducati 700, di la qual catarini cavano ducati 1500 a l' anno, e senza quella non pol far. *Item*, par che alcuni salineri di Castelnovo siano venuti dal sanzacho a oferirli per le Saline aspri 100 milia a l' anno, e questo fanno per vender sal di sopra la montagna; di le qual el Zernovich trazeva ducati 2000 a l' anno. Or partito poi sti razonamenti insieme col proveditor Contarini, era *etiam* ivi, et ordinato andar a poner li altri confini.

*Dil ditto, di 23, in Antivari.* Come, per trovar l' homo carazaro fuzito, fu retenuti alcuni per il proveditor Contarini e datoli corda per saper dove fusse, e Canson vayvoda vete questo. Et poi veneno a dì 24 a Budoa dove intese era stà trovato ascoso, e lo mandava esso proveditor Contarini al sanzacho, per il qual mandava el vayvoda de Podgoriza con 30 cavali a tuorlo, che li piauque assai.

*Dil ditto, di 24, ivi.* Come, zonto il sanzacho, fono a voler meter li confini; e cavalehatò sul loco, uno sier Antonio Paschali di Antivari parlò etc., ma era mal in hordine di li i confini. Et *tandem* il sanzacho volse da 40 over 50 campi di antivariani fusse sul suo, et cussi lui secretario contentò e fu fato scrittura per meter fin. *Item*, di Pastrovichj otene il tutto. Di Budua, perchè il Zernovich li havia tolto fin sotto le porte, pur il sanzacho ordina li dagi di più di quello tieneno al presente. Poi il sanzacho intrò